

TREND
#24

VELSORG- AANVULLINGS

Die gonswoord die laaste jaar is skoonheidsaanvullings, hetsy in pilvorm of as drankie, wat beloop om jou vel en hare van binne 'n hupstoot te gee. "Dis omdat verbruikers nou 'n meer holistiese benadering volg, ook as dit kom by velsorg," sê Devlin Perry, eienaar van The Skin Co. in Kaapstad. Dié nuwe, unieke gesondheidskafee – 'n eerste ter wêreld – bedien sedert sy opening in Januarie 'n verskeidenheid sappe, *smoothies*, warm drankies en ontbyt- en middagete-opsies verryk met aktiewe velsorgbestanddele.

"Ons gebruik hoofsaaklik kollageen, hialuronsuur en resveratrol, wat onderskeidelik vel van binne herstel en verferm, opplomp en beskerm teen skade."

Verskeie skoonheidshuise maak aanvullings nou deel van hul produkte-reeke. Die plaaslike velsorghuis Dermaclinical bied suiwer kollageenpoeier wat jy by 'n drankie inmeng, en QMS Medicosmetics pille met kollageen, vitamieene en die koënsiem Q10 om selvernuwing te bevorder. Onlangs het Heliocare kapsules bekend gestel met Fernblock, 'n bestanddeel wat van binne jou vel se DNS teen sonskade beskerm.

MAAR WERK DIT?

Volgens Yolande Swanepoel, programhoof van estetiese dermatologie by die Isa Carstens Akademie, ja. "Buiten velsorg van buite, het jou vel minerale en vitamieene van binne nodig om te verseker dat elke velsel optimaal funksioneer en gesond is. Kliniese studies het al gewys dat goeie aanvullings selffunksionering verbeter."



1



2



3

1. QMS Medicosmetics Collagen Intravital Plus (R750 vir 60 kapsules). By uitsoeksalonne en -spa's
2. Dermaclinical My Skin Younger Pure Collagen Hydrolysate (R395 vir 75 g). By www.dermaclinical.net
3. Heliocare Ultra Capsules Oral (R450). By uitsoeksalonne, estetiese klinieke en dermatoloë

WENK

Raadpleeg jou dokter voor jy 'n hialuronsuur-aanvulling drink. Nie almal kan dit neem nie en dit moet bv. vermy word as jy swanger is of borsvoed.

Die Isa Carstens Akademie is 'n borg van SARIE Voorbladgesig 2019